

Inatsisit allannguutissaat pillugit imaqarniliaq – Kalaallit Nunaanni atuutilersitsineq**Inatsit nr. 309, 28. marts 2015-imeersoq**

Nioqqutissiat ilisarnaataannut inatsisip, ilusilersuineranut inatsisip, Nioqqutissiamik nutaamik illersuineranut inatsisip aammalu ilisserusiat pillugit inatsisip allannguutaat pillugit inatsit (Atuutsitsineranut suleqatigiissitamik il. il. pilersitsinikkut Nioqqutissiamik nutaamik illersukkanik assiliisarneranut (piratkopiering-imut) sukumiinerusumik suliuteqarneq)

Nioqqutissiamik nutaamik illersuineranut- Nioqqutissallu ilisarnaataannut aqutsisoqarfimmi atuutsitsineranut suleqatigiissitamik pilersitsinissamut tunngavissamik Inatsit pingaarnertut imaqarsimavoq. Atuutsitsineranut suleqatigiissitamik pilersitsineq pillugu inatsimmi aalajangersakkat atuutilingisaannarsimapput, aalajangersakkallu inatsisikkut nr. 1548, 13. december 2016-meersukkut atorunnaarsinneqarsimallutik. Tamatumunnga taarsiullugu inatsisikkut nr. 1548, 13. december 2016-meersukkut atuutsitsineranut suleqatigiissitamik pilersitsisoqarpoq (ataani takujuk), tassani, pisortaniit tapiissutinut maleruagassat eqqarsaatigalugit, inatsimmi oqaasertaliussat erseqqissaatigineqarlutik.

Nioqqutissiamik nutaamik illersuineranut allakkiat naammassisarnissaannut sullissineranut akiliutit allannguutaat pillugit inatsimmi aalajangersakkat atuutilereerput. Siunertarineqarpoq aalajangersakkat taakkua Kalaallit Nunaannut atuutilersinneqassat.

Nioqqutissiamik nutaamik illersuineranut inatsimmi kapitali 10 D, Nioqqutissiamik nutaamik illersuineranut- Nioqqutissallu ilisarnaataannut aqutsisoqarfiup sullissineranut akigititai pillugit, aalajangersakkanik imaqarpoq. Naalagaaffiup iluani Nioqqutissiamik nutaamik illersuineranut allakkiamik, aammalu europami Nioqqutissiamik nutaamik illersuineranut allakkiamik saqqummersitsineranut sullissineranut akiliutip, inatsimmik allannguneq sioqqullugu tunngaviusumik sullissineranut naalagaaffiup iluani 2.850 kr. europamilu 1.050 kr. kiisalu, nioqqutissiamik nutaamik illersuineranut allakkiap quppernerisa amerlassusaat apeqputaatillugu, tapiutitit sullissineranut akiliutip, katinnerannik akeqartinneqarsimavoq.

Tassa taamanikkut Nioqqutissiamik nutaamik illersuineranut- Nioqqutissallu ilisarnaataannut aqutsisoqarfik Nioqqutissiamik nutaamik illersuineranut allakkiat, pappiarannorlugit aniati-tatut, allakkialiarisarpai.

Nioqqutissiamik nutaamik illersuineranut- Nioqqutissallu ilisarnaataannut aqutsisoqarfik taamanikkut nioqqutissiamik nutaamik illersuineranut allakkianik suliarinninnerup pitsaanerpaaffianik angusaqarniarneranut suliniuteqarpoq, taamaalilluni siunissami tamakkua qarasaasiak-kut sanaartorneqalersinnaallutik apuunneqartalersinnaallutillu. Taamaattumik quppernerit

amerlassusaat tunuliaqutaralugu sullissinermut akimik aalajangersaanissaq naleqqukkunnaarpoq. Taamaattumillu siunnersuutigineqarpoq, aqutsisoqarfiup tapiliussatut sullissinermut aki-liut, quppernerit amerlassusaannik tunngaveqartoq, atorunnaarsissagaa, nioqqtissiamillu nutaamik illersuinermit allakkiamik naammassisaanermut katillugu 2.000 kr. sullissinermut aki-liut atulersillugu.

Inatsit nr. 1548, 13. december 2016-imeersaq

Nioqqtissat ilisarnaataannut inatsisip inatsisillu assigiinngitsut allat allannguutaat pillugit inatsit (Atuutsitsineq aamma nioqqtissamik nutaamik illersukkamik assiliisarneq (piratkopiering) kiisalu sullissinermut akiliutinik isertitanik nuussisarneq pillugit suleqatigiissitamik immikkut ittumik pilersitsinikkut nioqqtissamik nutaamik illersukkamik assiliisarnermut (piratkopiering-imut) sukumiinerusumik suliniuteqarneq)

Nioqqtissiamik nutaamik illersuinermit- Nioqqtissallu ilisarnaataannut aqutsisoqarfimmi atuutsitsinermut suleqatigiissitamik immikkut ittumik pilersitsinissamut tunngavissamik Inatsit pingaarnertut imaqarpoq. Naalagaaffimmiit tapiissutinut maleruagassat eqqarsaatigalugit inatsimmi oqaasertaliussani ersittassaaq, nioqqtissiamik nutaamik illersukkamik assiliisarneq pillugu suliani piviusuni atuutsitsinermut suleqatigiissitaq ilitsersuussinermik suliaqartassasoq, aammalu suliffeqarfinnut ilitsersuussineq mikisunut akunnattumillu angissusilinnut suliffeqarfinnut sammitinneqartassasoq. Tamanna sinaakkusersuineq inatsimmi nr. 309, 28. marts 2015-imeersumi inatsimmut oqaasertaliussani ersinngilaq.

Nioqqtissiamik nutaamik illersuinermit- Nioqqtissallu ilisarnaataannut aqutsisoqarfimmi atuutsitsineq nioqqtissiamillu nutaamik illersukkamik assiliisarneq pillugit suleqatigiissitamik immikkut ittumik pilersitsinermi siunertaasimavoq nioqqtissiamik nutaamik illersukkamik assiliisarnermut sukumiinerusumik suliniuteqarnissaq, atuutsitsinerup nioqqtissiamillu nutaamik illersukkamik assiliisarnerup iluani suliani suleqatigiissitap immikkut ittup, pingaartumik atuisunut aamma mikisunut akunnattumillu angissusilinnut suliffeqarfinnut toqqaannarlugu sianerfigineqarsinnaasutut ingerlasumi aqutsisoqarfiup piginnaasaasa suliaassaasalu kater-sornerisigut.

Inatsimmut tunulequtaasooq tassaasimavoq 2013-imeersaq siuarsaanissamut pilersaarut ”Danmark-i suliffiusooq – inuussutissarsiutinik ilusilersuinerinillu pilersitsisinnaasunik siuarsaanissamut pilersaarut”, piginnaatitaaffinnillu tigussaasuunngitsunik pitsaanerusumik illersuinissaq atorluanaanissarlu pillugit suliniutinik imaqartoq, ilaatillugit nioqqtissiat nutaat illersukkat assilinqartarneri pillugit sulianik passussisarnerit pitsanngorsarnissaat. Tamanna piumasaqaa-taasimavoq Nioqqtissianik nutaamik illersuinermit- aamma Nioqqtissat ilisarnaataannut aqutsisoqarfimmi atuutsitsineq nioqqtissianillu nutaamik illersuineq pillugit suleqatigiiffiup immikkut ittup pilersinnissaa pillugu siuarsaanissamut pilersaarummik suliniutinik piviusunngortitsinissamut, tamatumunnga tunngavissamik inatsisitigut tunuliaquteqarnissaa pillugu qularutissaqarsinnaassanngimmat.

Nioqqtissianik nutaamik illersuinermit- aamma Nioqqtissat ilisarnaataannut aqutsisoqarfik piginnaatitaaffiit tunniunneqarsimasut pillugit nalinginnaasumik ilitsersuuteqarsinnaavoq, ilaatillugu nioqqtissianik illersukkanik assiliisarneq pillugu, ilitsersuinnissamut pisusaatitaafik nalinginnaasooq naapertorlugu, kisiannili nioqqtissianik illersukkanik assiliisarneq pillugu

suliani piviusuni, immikkut ittumik inatsisitigut tunulequtassaqtinnani, piviusumik ilitsersuinissamut pisinnaatitaanani. Taamaattumik siunnersuutaavoq, Nioqqutissianik nutaanik illersuinermut- aamma Nioqqutissat ilisarnaataannut aqutsisoqarfiup suliassaqaarfiisa iluanni inatsisini attuumassuteqartuni, tamakkuninnga pisinnaatitaaffilimmik Nioqqutissianik nutaanik illersuinermut- aamma Nioqqutissat ilisarnaataannut aqutsisoqarfiup iluani, suleqatigiissitamik immikkut ittumik pilersitsinissamut inatsisitigut tunngavissamik erseqqissumik imalimmik, aalajangersakkamik ikkussisoqassasoq. Suleqatigiissitap isumagisassarissavaa Nioqqutissianik nutaanik illersuinermut- aamma Nioqqutissat ilisarnaataannut aqutsisoqarfiup atuutsitsineq aamma Nioqqutissianik nutaanik illersukkanik assiliisarneq pillugit suliassai sianerfigeriaannartullu ingerlassalluni.

Atuutsitsinermut suleqatigiissitamik pilersitsinissaq pillugu inatsisissatut siunnersuummut nutaamut pissutaasoq tassaasimavoq, Europa-Kommissionen-ip (Europami Ataatsimiititaliar-suaq) nalunaarutigisimammagu, piumasaqaatit naapertuuttumik naalagaaffimmiit taperneqar-nissamut taamaallaat naammassineqarsinnaasoq, aatsaat nioqqutissiamik nutaanik illersukkanut assiliisarneq pillugu ilitsersuussineq mikisunut akunnattumillu angissusilinnut suliffeqar-finnut naatsorsuunneqarpat.

Aammattaaq, Nioqqutissianik nutaanik illersuinermut- aamma Nioqqutissat ilisarnaataannut aqutsisoqarfiup, sullissinermut akiliutinik akileeqqusiffiusartuni, aqutsisoqarfiup suliassaqaar-fiisa iluanni suliassaqaarfinnut allanut attuumassutillit aningaasartuutit matussusernissaannut suliassaqaarfimmiit, sullissinermut akiliutinik isertitanik nuussisinnaanissaanut, tigussaasunut inatsisitigut tunngavissamik Inatsit imaqarpoq. Tamatumunnga tunuliaqutaavoq, suliassaqaar-fiit akunnerminni aningaasanik nuussisarnikkut assigiissaarisooqartarsinnaassammatt pigin-naatitaaffinnik suliassaqaarfiit ataasiakkaat iluanni iluanaarutinik amigartoorutinillu nikerartu-nik, tigussaasunut inatsisitigut tunngavissamik erseqqissumik pilersitsisoqarnissaa pissusissa-misoormat.

Inatsit nr. 670, 8. juni 2017-imeersoq

Eqqartuussiveqarneq pillugu inatsimmik allannguut, Bruxelles I-imik inatsit inatsisillu assigiinngitsut allat (ilinniarsimanatik eqqartuussisuusartunut maleruagassanut allannguutit, eqqartuussisulersuussiffissatut isumaqatigiissutinut nunat tamalaat isumaqatigiissutaat il.il.)

Inatsimmi nr. 84, 28. januar 2014-imeersumut ilanngunneqartoq, eqqartuussiveqarneq pillugu inatsimmi § 368-imi allannguutit kingunerisaattut, Ilusilersuinermut inatsimmi § 42 aamma Nioqqutissat ilisarnaataannut inatsimmi § 43 a, inatsimmi §§ 3-mik aamma 4-mik allanngortinneqarput.

Eqqartuussiveqarneq pillugu inatsimmi § 368, imm. 4 malillugu, suliat Imarsiornermi- aamma Niuernermit eqqartuussivimmi suliarineqarsimasut, taamaallaat piumasaqaatit naammassineqarsimappata, Eqqartuussiviit qullersaannut ingerlateqqinneqarsinnaapput. Piumasaqaatit taakkua naammassineqarsimangippata, imaluunniit peqataasut piumaneruppasuk nunap eqqartuussisuuneqarfianut ingerlateqqiisoqarsinnaavoq.

EF-imi nioqqutissat ilisarnaataat [maanna EU-mi nioqqutissat ilisarnaataat] aamma EF-imi ilusilersukkat pillugit suliat eqqarsaatigalugit, eqqartuussiveqarnermut inatsimmi § 368, imm.

4-mi, Eqqartuussiviit qullersaannut ingerlatitseqqiinissamut piumasaaqatit naammassi-neqarsimagaluarpataluunniit apeqqutaatinnagu, taamaattoq nioqqutissat ilisarnaataannut inatsimmi § 43 a-mi, aammalu ilusilersukkanut inatsimmi § 42-mi allassimavoq, EF-imi nioq-qutissat ilisarnaataat- aamma EF-imi ilusilersukkat pillugit eqqartuussinernut, Eqqartuussiviit qullersaat ingerlatitseqqiiffissat aappaattut inissisimasoq.

Inatsiseqarnermut Naalackersuisoqarfimmi paasinnittaaseq malillugu, EF-imi nioqqutissat ili-sarnaataat- aamma EF-imi ilusilersukkat pillugit suliani – aammalu Imarsiornermut- aamma Niuernermut eqqartuussivimmit suliarineqartartut allat akerlianik, suliap pissusaanik apeqqutaatitsitsinani, Eqqartuussiviit qullersaannut ingerlatitseqqeeriaannaasoqarnissaa pissu-sissamisooruunngitsoq. Taamaattumik aaqqiineq taamaattoq Eqqartuussiveqarnermut inatsimmi § 368 imm. 4-mi siunertaasumut akerliusorinarpoq. Inatsiseqarnermut Naalak-kersuisoqarfimmit nalilerneqarsimavoq, siunertaasimanngitsoq Eqqartuussiveqarnermut inatsimmi § 368 imm. 4-p ikkunneqarneranut atatillugu, nioqqutissat ilisarnaataannut- aamma ilusilersuineranut inatsimmi aalajangersakkani attuumassutilinni kingunerisatut allanngu-uteqartitsisoqassanngitsoq.

Inatsit nr. 1533, 18. december 2018-imeersoq

Nioqqutissat ilisarnaataannut inatsimmut allannguutit pillugit inatsit aamma inatsisit assigiinngitsut allat aamma ataatsimut ilisarnaasersuineranut inatsimmik atorunnaarsit-sineq (Qinnuteqaatinik suliarinninneq, nalunaarsuinissamut akorngutit, nioqqutit ili-sarnaataannik ersersitsineq, nioqqutissat ingerlateqqitassat, sullissineranut akiliutinit isertitanik nuussisarneq il. il.)

Nioqqutissat ilisarnaataannik maleruagassiuineq nutarsassallugu naalagaaffiullu iluani nioq-qutissanik ilisarnaasersueriaatsinik EU-milu nioqqutissanik ilisarnaasersueriaatsinik assi-giissaarinissaq, inatsimmik siunertaavoq. Allannguutit ilaatigut sunnuteqarluartumik atuis-unullu piunartumik, atuisut pisariaqartitaannut atortorissaarutigullu (teknologiikkullu) ineriartornermut tulluarsakkamik nalunaasersueriaatsimik qulakkeerinnissapput.

Naalagaaffiit ilaasortat nioqqutissat ilisarnaataat pillugit inatsiseqarnermikkut akunnerminni qanillattoqatigiinnissaq pillugu, manna tikillugu tamanna pillugu maleruqqusamik sul-iareqqitatut saqqummersitamik, inatsimmik Europami Inatsisartut (Europa-Parlamentets) Siun-nersuisoqatigiillu (Rådets) maleruqqusaat (EU) 2015/2436, 16. december 2015-imeersukku naammassineqarpoq.

Suliffeqarfiup nioqqutai imaluunniit sullissinitik ilisarnaaserumallugit nioqqutissat ilisarna-ataat atorneqartarput. Suliffeqarfiup pisisartuni tigummiinnarumallugit taamaalillugillu pileri-saarumallugit unammillertiminniit avissaarumalluni nioqqutissat ilisarnaatai atorsinnaavai. Taamaalilluni nioqqutissap ilisarnaataa suliffeqarfimmik naleqarnerulersitsinermik allisaaner-millu pissutaaqataalersinnaalluni.

EU-p iluani naalagaaffiit iluini nioqqutissanut ilisarnaasersueriaaseqarpoq aammalu EU nioq-qutissanut ilisarnaasersueriaaseqarluni. Naalagaaffiit iluminni nioqqutissanut ilisarnaasersue-riaasii naalagaaffiit nioqqutissanut ilisarnaasersuineranut oqartussaasuinit isumagineqarput, pingaartumillu atuisunit, nunani allani ikittunnguani illersorneqarnissaq pillugu kissaammik peqateqartinneqarsinnaasumik, naalagaaffiup iluani niueqatigiinnermik annerpaamik so-qutigisalinnit, atorneqarlutik. EU-mi nioqqutissanut ilisarnaasersueriaaseq ”Den Europæiske

Unions kontor for Intellektuel Ejendomsret (EUIPO)''-mit, qinnuteqaammik ataasiinnarmik tunngavilimmik EU-p ungalusartaasaanut tamanut atuuttumik, piginnaatitaaffinnik tunniusartumit, isumagineqarpoq. Naalagaaffiit iluminni nioqqutissanut ilisarnaasersueriaasiisa aammalu EU-mi nioqqutissanut ilisarnaasersueriaatsip saniatigut nunat tamalaat nioqqutissanut ilisarnaasersueriaaseqarput, World Intellectual Property Organization (WIPO)-mit aqunneqartumik.

Nioqqutissat ilisarnaataannut inatsit 1991-imeersuuvoq kingusinnerusukkullu allannguutilinik nioqqutissat ilisarnaataat pillugit nunat ilaasortat inatsisaasa imminnut qanillattornissaat pillugu Siunnersuisoqatigiit Maleruaqqusaannit Siullermit 21. december 1988-imeersumit aallaaveqarluni.

Inatsimmik nr. 1533, 2018-imeersumik, 2015-imeersaq nioqqutissat ilisarnaataannut maleruaqqusaq, maleruaqqusamut naleqqiullugu oqaasertalersornermigut qanittumik, taamaalilluni maleruaqqusap isumalersornissaanut nalornissutaasinnaasunut navianaataanik annikillisaanisaq siunertaralugu taaguusersorneqarnermigut oqaaseqatigiiliorneqarnermigullu sapinngisamik pioreersumik atueqqiffiusumik, inatsimmik allannguutikkut naammassineqarpoq. Aammattaaq maleruaqqusatulli inatsit ilisarnaatinik, ataatsimoorussamik ilisarnaasersuisarnermut inatsimmi ilaatinneqartunik, imaqarpoq, taamaattumik ataatsimoorussamik ilisarnaasersuisarnermut inatsit inatsisitut immikkoortutut atorunnaarsinneqarpoq. Aammattaaq inatsit allannguutinik, nioqqutissat ilisarnaataannut inatsimmik pitsaanerpaangortitsinissaq pillugu kissaatinik allanik ersersitsisunik, toqqaannartumik maleruaqqusami ilaangitsunik, imaqarpoq.

Atortorissaarutitigut (teknologiikkut) ineriartorneq tunuliaqutaralugu nioqqutissat ilisarnaataannik nalunaarsuinissaq, assiliartaliortaatsimik nioqqutissat ilisarnaataannik ersersitsinissaq, inatsimmik piumasagaataajunnaarpoq. Nioqqutissat ilisarnaataat tulluurtumik naliginnaasumillu pissarsiarineqarsinnaasumik atortorissaaruteqarluni ersersinneqarsinnaaginnassaaq, taamaalilluni nioqqutissat ilisarnaataannut piginnaatitaaffiup imarisaa ersarissumik eqqoqqissaartumillu aalajangiunneqarsinnaassalluni.

Piginnaatitaaffiit pisoqaanerusut aporfiusartut pillugit maleruagassat inatsimmik iluarsisaapput, taamaalilluni EU-mi Eqqartuussivimmi nioqqutissanillu ilisarnaasersueriaatsimik eqqarsaatiginninnerni periaatsit annerusumik assiginerutillugit. Aqutsisoqarfiup piginnaatitaaffinnut pisoqaanerusunut sanilliullugu qinnuteqaatinik misissuina sullissineralu taamatutaaq iluarsisaapput, taamaalilluni qallunaat aaqqissuussaannik atuisuugajuttoq annerusumik tulluarsarfigineqarluni. Nioqqutissanut ilisarnaataat nalunaarsorneqartinnagu, nioqqutissanut ilisarnaammik pigisaminik qinnuteqartup ajoqusiiffigisinnaasaatut navianartorsiortitaasut qinnuteqaatit- nioqqutissallu ilisarnaataannik nalunaarsukkat pisoqaanerusut suussusersinerinik imaqartoq, ujaasinermut nalunaarusiaq aqutsisoqarfiup suliareqqaartarpaa. Inatsimmik sullissinermut akiliummik akiliuteqarnikkut misissuinerinik nalunaarusiamik sukumiinerusumik nassuiaanneqarnissamik periarfissiisoqarpoq. Nioqqutissat ilisarnaataannut piginnaatitaaffiit pisoqaanerusut misissuinerinik nalunaarusiami saqqummilersimanerannut pissutaasut pillugit paasissutissanik annertunerusunik pinissaq pillugu kissaateqartut, misissuinerinik nalunaarusiamik sukumiinerusumik nassuiaanneqarnissamik periarfissap pingaartumik mikisut akunnat- tumillu angissusillit suliffeqarfiit iluaqusissavaat.

Eqqartuusseriaatsinut allannguutit eqqarsaatigalugit, maalaaruteqarsinnaanermut piffissaliousaq, inatsimmik, eqqartuussinerup iluani, siuartinneqarpoq, taamaalilluni nioqqutissap ilisarnaataata nalunaarsorneqarnissaata siornganut inissinneqarluni.

Nioqqutissat ilisarnaataasa illersorneqarnerat pitsanngorsarniarlugu peqquserlullunilu ilaarsisarneq sunniuteqarluarnerusumik akiorniarlugu, inuussutissarsiuutiginninnissaq siunertaralugu nioqqutissat ilisarnaataannik peqquserlulluni ilaarsilluni nioqqutiginiakkat nunat pingajuanneersut, qallunaat nunaata akileraartarnermut killeqarfiata iluani ingerlateqqitasanngortinnissaannik, piginnaatitaaffimmik pigisaqartup pinngitsoortitsisinaanissaa pillugu inatsit aalajangersakkamik imaqarpoq.

Piginnaatitaaffik piumasqaatitigut ilaatigut atorunnaartarpoq.¹

Siornatigut pingasunik pitsaassusiliisarnermut taarsiullugu, qinnuteqaat siunissami aallaavittut nioqqutissamut-/kiffartuussinermut ataatsimut pitsaassusiliineq imarissagaa, taamaalilluni EU-mi nioqqutissat ilisarnaataannut allaffimmi iluserititamut naleqqiullugu, qinnuteqarnermi sullissinermut akiliummut iluserititaq, inatsimmik assigiissarneqarpoq. Pitsaassutsinik pisarinnittoqarsinnaanera ingerlaannassaaq. Nioqqutissat ilisarnaataannut nalunaarsuineq pisariqaanngitsunik atituunik nalunaarsuutininik ulikkaarnissaa pinngitsoortinniarlugu allannguutikut siunertaavoq.

Aammattaq inatsit, nalignnaasumik qarasaasiakkut attaveqatigiinnermik tunngaveqartunik, aalajangersakkanik imaqarpoq.

Aammattaq ilusilersuinerup inatsimmi eqqartuussisarnermut aalajangersakkanik allannguummik aammalu ilaatigut nioqqutissat ilisarnaataannut inatsimmi, ilusilersuinerup inatsimmi, nioqqutissanut nutaanut illersuinerup inatsimmi, aammalu Nioqqutissanut nutaanut illersuinerup aamma Nioqqutissat ilisarnaataannut, Eqqartuussaassutinut ingerlatitseqqinernut Ataatsimiititaliamut tunngassuteqartunik aningaasartuutininik matussusiinissamut Ataatsimiititaliat Illuannut sullissinermut akiliutininik isertitanik nuussisarneq pillugu ilisserusiat pillugit aalajangersakkanik inatsit allannguinerup imaqarpoq. Tamanna allannguneq pissuteqarpoq, eqqartuussaassutinik ingerlatitseqqinernut ataatsimiititaliap allattoqarfiani sullissineq Ataatsimiititaliat Illuannut nuunneqarsimammat.

Kalallit Nunaanni pissutsinut peqqussummi tulluarsaatit nassuiaatillu immikkut ittut ataatsimut isigalugit

<i>Nalignnaasumik</i>	<i>“Nunami maani” aamma “Danmark” Inatsimmi taakkartor-neqaraangata, peqqussummik matuminnga inatsit Kalaallit Nunaannut atuutilersinneqarnera tunuliqutaralugu paasisassaavoq.</i>
<i>Nioqqutissat ingerlateqqitassat pillugit Nioqqutissat ilisarna-</i>	<i>Nioqqutissat ilisarnaataannut inatsimmi § 5, imm. 1 aamma 2 Kalaallit Nunaannut atuutilersinneqar-</i>

¹ Nioqqutissat ingerlateqqitassat pillugit § 5, imm. 1-imi aamma 2-mi aalajangersakkat tulluarsarlugit saqqummersitatut Kalaallit Nunaanni atuutisneqalerput. Takuuk ataani tamanna pillugu immikkoortoq immikkoortitaq.

<i>taannut inatsimmi § 5, imm. 1 aamma 2</i>	<i>poq tulluarsakkamik ilusilerlugu, takuuk ataani immikkoortoq immikkut ittoq.</i>
<i>Nioqutissat ilisarnaataannut inatsimmi §§ 42, imm. 1 aamma 43 a-43 d aamma designlovimi §§ 42 aamma 43</i>	<i>Nioqutissat ilisarnaataannut inatsimmi § 42, imm. 1 peqqussutikkut naleqqussarlugu Kalaallit Nunaannut atuutsinneqalissaaq. Nioqutissat ilisarnaataannut inatsimmi §§ 43 a-43 d aammalu designlovimi §§ 42 aamma 43 Kalaallit Nunaannut atuukkunnaassapput. Immikkoortoq ataani takujuk.</i>
<i>Nunani tamalaani nioqutissanik nalunaarsuisarneq</i>	<i>Kalaallit Nunaat nunat tamalaat nioqutissanik ilisarnaasersueriaasiannut ilaatinneqarpoq, Madrid-imi isumaqatigiissummut (Madridprotokollen-imut) tungaveqartumut. Nunat tamalaat akornanni nioqutissat ilisarnaataannik nalunaarsuisarfik, Danmark-ip ilaaffigisaa, taamaa-lil-lunilu Kalaallit Nunaannik ilaatitsisoq.</i>
<i>EU-mi nioqutissat ilisarnaataannut nalunaarsuineq</i>	<i>EU-mi nioqutissat ilisarnaataannut nalunaarsuineq Kalaallit Nunaannut, EU-mut ilaanngitsumut, atuutinngilaq. Suliffeqarfiit inuinnaallu EU-p avataaniittut, - taamaalillunilu aamma Kalaallit Nunaanniittut – nunani EU-mut ilaasortaasuni atuuttumik, EU-mi nioqutissat ilisarnaataannut nalunaarsuineramik qinnuteqarsinnaapput peqarsinnaallutillu.</i>

Inatsimmi nr. 1533, 18. december 2018-imeersumi nioqutissat ingerlateqqitassat pillugit Nioqutissat ilisarnaataannut inatsimmi § 5, imm. 1 aamma 2 pillugit immikkut taasariallit

Nioqutissat ilisarnaataannut inatsimmi § 5, imm. 1-mi aalajangersagaq nutaaq malillugu, nioqutissat ilisarnaataannik peqquserluutaasut nioqutissat nunat pingajuanneersut qallunaat akileraartarnermut suliaasaqarfiannut ingerlateqqitassatut eqqunneqarnissaat, nioqutissat ilisarnaataannik pigisaqartup, pinngitsoortissinnaavaa. Imm. 2 malillugu piginnaatitaaffik ilaatigut atorunnaassaaq.

Nioqutissat ilisarnaataannut inatsimmi § 5, imm. 1-imi aamma 2-mi aalajangersakkat tulluarsarlugu saqqummiussatut Kalaallit Nunaanni pissutsinut naleqquttunik Kalaallit Nunaanni atuutsinneqalerput.

Nioqqutissat ilisarnaataannut inatsimmut inatsisissatut siunnersuummi, § 5, imm. 1-imut nasuiaatinit erserpoq, pingaartumik nioqqutissanik ingerlatitseqqinissamut kiffaanngissuseq pillugu nunanik allanik niueqateqarneq aamma akitsuut pillugit isumaqatigiisummi naliginnaasumi immikkoortoq V aammalu, ulloq 14. november 2001 Doha-mi WTO-mi ministerit ataatsimiinneranni, »erklæringen om TRIPS-aftalen og folkesundhed«-imik taallugu aalajangiunneqartoq, nakorsaasiat, nakorsaatinut pioreersunut assingusut eqqarsaatigalugit, Nunarsuarmi niueqatigiinnermi kattuffissuup (Verdenshandelsorganisationen-ip (WTO-p)) sinaakkutaasa iluanni Danmarkip nunanut tamalaanut pisussaaffii naapertorlugit, aalajangersagaq paasineqassasoq. WTO-mi pisussaaffiit Kalaallit Nunaannuttaaq atuupput, tassami Kalaallit Nunaat qallunaat ilaasortaanerannut ilaammat, nioqqutissallu nalunaarsukkat Kalaallit Nunaata akitsuuseriveqarfiisigut ingerlateqqitassat passunnissaannut aalajangersakkamik tulluarsakkamik pisariaqartitsisoqalersimalluni, taamaattumillu assingusumik sukuiarneqarsinnaallutik WTO-p sinaakkutaasaa iluanni pisussaaffinnut naapertuuttumik.

Peqqussummi § 5, imm. 1-imi oqariartaaseq "Qallunaat Nunaanni akitsuuteqarfusoq" tunuliaqutaralugu "Kalaallit Nunaanni akitsuuteqarfusoq"-mik taarserneqarpoq. Nioqqutissat eqqussorneqarnerat- annissorneqarnerallu pillugit Inatsisartut inatsisaanni nr. 18, 30. oktober 1992-imeersumi § 6, imm. 1-imi aamma 2-mi isumasiuutaasoq naapertorlugu Kalaallit Nunaanni akitsuuteqarfusoq paasineqassaaq.

Peqqussummi § 5, imm. 1 aammattaq ima tulluarsagaavoq, "nunat pingajuat" oqariartaatsimik "Danmark-i, Savalimmiut imaluunniit nunat allat"-nik, Kalaallit Nunaanni akileraaruteqarfiusumut- akitsuuteqarfiusumullu naliginnaasumik oqaaseqatigiiliortarnek atorlugu taarserneqarluni.

Peqqussummi tulluarsaanertigut siunertaasoq, tassaasoq nioqqutissat ilisarnaataasa illersorneqarnerata sukaterneqarnissaa aammalu peqquserlulluni nioqqutissanik ilaarsisarnerup sunnuteqarluarnerusumik akiorniarneqarnera isumagineqarpoq tigummiinnarneqarlunilu.

Nioqqutissat ilisarnaataannut inatsimmut inatsisissatut siuneersuummi aalajangersakkamut nassuiaatini ersersinneqartutut, pissutsini akitsuusiiffissani tamani nioqqutissat unioqqutitsisutit inissinneri, ilaatillugit pingaartumik ingerlateqqitassatut, usilersuusseqqinnermi, toqqorsivimmiititassatut, inuussutissarsiornermi inissiivinni immikkut ittuni, inissiigallarfinni, suliareqqiinnermi imaluunniit eqqussigallarfinni, aamma nioqqutissat Kalaallit Nunaanni nioqqutigineqarnissaat siunniussaannngikkaluarpalluunniit, aalajangersakkami ilaatinneqarput.

§ 5, imm. 2-mi aalajangersagaq § 5, imm. 1-imut atassuserlugu paasineqassaaq, Nioqqutissallu ilisarnaataannut inatsimmut inatsisissatut siuneersuummi aalajangersakkamut nassuiaatini ersersinneqartutut, unioqqutitsinngitsunik nioqqutissanik kiffaanngissuseqarluni niuernermut akorngutinik pinngitsoortitsinissaq siunertaralugu. Tigussaasuunngitsunik piginnittuunermut piginnaatitaaffinnik akitsuutinut oqartussaasuniit atuutsitsineq pillugu EU-mi peqqussut Kalaallit Nunaannut atuutinngimmat, peqqussummi aalajangersakkamik tulluarsaanermik pisariaqartitsisoqarpoq. Tamanna tunuliaqutaralugu peqqussummi § 5, imm. 2-miit EU-mi peqqussummut naleqqiussineq peerneqarpoq.

Nioqqutissat ilisarnaataannut inatsimmi §§ 42, imm. 1-imi aamma 42 a-42 d-mi aamma designlovimi §§ 42 aamma 43-mi eqqartuussisarnermut aalajangersakkat immikkut pineqarput.

Kalaallit Nunaanni pissutsit immikkut isigalugit aammalu Kalaallit Nunaata EU-mut ilaasortaanginnera pissutigalugu, nioqqutissat ilisarnaataannut inatsimmi aammalu designlovimi eqqartuussisarnermut aalajangersakkat tulluarsarneqarnissaat pisariaqartutut nalilerneqarsimavoq.

Taamaattumik nioqqutissat ilisarnaataannut inatsimmi §§ 42, imm. 1 tulluarsarlugu Kalaallit Nunaannut atuuttussanngortinneqassaaq, EU-p nioqqutissat ilisarnaataat pillugit peqqussutaannut attuumassuteqarnera peerlugu.

Nioqqutissat ilisarnaataannut inatsimmi § 43a aamma designlovimi § 42 atorunnaarsinneqarput, Sø- og Handelsreti Kalaallit Nunaanni pisussaaffeqannginnera pissutigalugu aammalu Kalaallit Nunaata EU-mut ilaasortaanginnera pissutigalugu. Tamatuma kinguneranik, Kalaallit Nunaanni eqqartuussisarnermi inatsimmi kapitali 43-mi saqitsaannermik suliassani kajumissaarinnermut aammalu suliassanngortitseqqinnermut malittarisassat atorneqartassapput suliani taakkunani suliareqqitassanngortitsineq pineqaraangat.

Nioqqutissat ilisarnaataannut inatsimmi §§ 43 b-43 d-mi aamma designlovimi § 43-mi pineqarput EU-mi naleqqussaannerit, inerteqquteqarnermik imaluunniit naalakkiinermik aalajangiussaagallartut, atorunnaarsinneqarput, Kalaallit Nunaata EU-mut ilaasortaanginnera pissutigalugu. EU-p nioqqutissat ilisarnaataat pillugit peqqussutaat malinnagu aammalu Danskit nioqqutissat ilisarnaataannut inatsisaat assiginagu, inerteqquteqarnermut imaluunniit naalakkiinermut aalajangiussaagallartut pillugit nutaamik § 43 b-mik ikkussisoqanngilaq, Kalaallit Nunaata EU-mut ilaasortaanginnera pissutigalugu.